



520
20

Z. n. 18.



18. iij.



EXEQVIAS
INDICTIVAS.

VIRI

Magnifici, Nobilissimi, & Consultissimi,

DOMINI



ANTONII

WINCLERI,

Jcti Celeberrimi,

CONSULIS inelytæ LUBECENSIVM Reip.

primi ac meritissimi,

Frequentissimè concelebraturis,

D. S. P.

ENOCHUS SVANTENIVS, R.

LUBECÆ.

Typis Viduæ B. SCHMALHERTZII,



* * * * *

LN conſignandis antiquorum dictis factisque memorabilibus valens maximè ſcriptor, *Lib. VII. Cap. I. de Q. Metello Macedonico*, verè non minus quam eleganter commemorat, commemorando admiratur, admirando de- prædicat: quam aſſidua eminentis ejuſdem, & ætatis, & doctrinæ, & virtutis, & dignitatis comes fuerit, volubilis aliàs, ſed huic Viro conſtanter propitia fortuna: quibus ſemper auguſtis beneficiorum gradibus à primo originis die ad ultimum uſque fati tempus, vix unquam ceſſante benignâ fortis proſperæ indulgentiâ eum ad ſummum beatæ culmen vitæ perduxerit. Neque verò incommodum fuerit verba ſcriptoris adungere: *Nacſi eum in urbe terrarum principe voluit fortuna, parentes nobiliſſimos dedit: adiecit animi rariſſimas dotes, & corporis vires, ut ſufficere laboribus poſſent: Uxorem pudicitia & ſecunditate conſpicuam conciliarvit, fecit, ut ſobolem ſinu ſuo exciperet, ſpecioliſſimi triuſſi pretextam, Conſulare decus largita eſt. Hanc autem vitæ ætatem ejuſ finis conſentaneus exceperit, quia Q. Metellus ultima ſeneſcutis ſpatio deſunctus, leni mortis genere inter oſcula complexuſque chariſſimorum pignorum extinctus eſt.* Quando & unde virtuti *Metellianæ* cognomentum prætoris *Macedonici* obtigerit, *Paterculus* memoriæ proditum reliquit, teſtificans: quoniam præclarâ victoriâ & armis felicibus *Perſeum* gentemque *Macedonicam* ſuperaverit, è fortunatâ virtute nomen ipſi inditum fuiſſe. Agnoſcit idem profiteturque perliberaliter, *Metellum* Romanæ principem magnificentiæ celebrari debere ideò, quod vix ullius gentis, ætatis, ordinis homo occurrat, cujuſ felicitas *Metelli* fortunæ comparari valeat: præter excellentes quippe triuſſos, honores ampliffimos, & principale in Rep. ſtagium, tam extantum vitæ ejuſ feliciter glorioſæ ſpatium exitiſſe, ut magis, de vitâ ſvaviter migraviſſe, quam mortuus eſſe, exiſtinetur. Unuſquiſque incorruptus Virorum rerumque æſtimator haut ægrè feret, moribundi ipſius *Metelli*, convenientem funeri ſuo ſermocinationem, aliquali ſic imitatione exprimi: Age, fui, dum fui, Senator, prætor, Ædilis, Conſul; Fui, fui;

fui; sed jam rui, quem & suspexistis, & amâstis, & magni-
 fecistis, Quirites, annis nunc gravioribus propior *Metellus!*
 ingravescente valetudinis adversæ fastidio debilitatus *Metellus!*
 fœnebrî curarum, muneris, variorumque ac multiplicium
 incurfione fatorum probè exercitatus *Metellus!* Me tellus
 commune mortalium receptraculum jam jam suscipiendo
 teget, ut felicitatis humanæ appellationem consummet tu-
 mulus Consularis, qui se ulteriori quorumcunque malorum
 incurfioni objicit. Nec enim magno morborum difficilium
 & diuturnorum apparatu, nec molitione exquisitâ pericu-
 losæ ac marcidæ senectutis opus est, ut corporis atque ani-
 mi, infirmo cohærens vinculo, societas dirimatur. Non me
 amplius turbulentior aliqua commovebit procella: expers
 ero ingruentium fortasse tempestatum: non perentiscam ul-
 lius mutationis ancipitem nimbum: nec vereor, nec paveo,
 nec caveo, si malignior fortasse fors nec dum imperavit sibi, im-
 portunissimæ oblivisci mutationis. Metat modò hic, modò
 ille, modò iste, quicquid mihi olim decoris, imperii, omnis
 denique gratulationis summa abundantia, veluti conspicuum
 propensæ argumentum beatitudinis esse, voluerat. Capiat,
 quicumque capiet, teneat, fervet, habeat,prehendat, pressisq;
 custodiat manibus, speratum obtentumque anceps emolu-
 mentum, fruatur eò splendidius atque diutius, quàm mea fors
 eximia aliquando percepisse, aut fingitur, aut existimatur. E-
 vadat quilibet dives jacturâ meâ! vivat adolefcatque morte
 meâ, omnia constipet, foveat, coacervet! cum mihi nihil
 jam ultra habituro nihil desit, & non mortale amplius
 existat, quicquid desidero, plusque ultra satagam desiderare.
 At enimverò *Macedonicus* inclaruerit aliquando eminueritq;
Metellus, viguerit etiam virueritque, dam viguit viruitque,
 florentissimus Senator, pollentissimus Prætor, ornatisimus
 Imperator, conspicuus maximè *Ædilis*, splendidissimus Con-
 sul; multò tamen gravior, longè acceptior atque jucundior
 fuerit Senatui populoque *Lubecensi*, recordatio sui etiam
Metelli, sui Consulî primi, ætate ac dignitate perceleberrimi,
 Magnifici atque Consultissimi Viri, DN. ANTONII WIN-
 CLERI, JCI Excellentissimi, Patris patriæ desideratissimi.
 A 2 Cujus

Cujus aliquot ante dies ad æternam evecti felicitatem, splendida origo, splendidior vitæ progressus, splendidissima demum dignitas, & hanc excipiens funestissimus è vitâ egressus, ulteriori & *Metellianâ* & *Vinclerianâ* peropportunâ comparatione, paulisper adhuc continuandâ, LECTORIBUS HONORATISSIMIS, debitâ eam ruminaturis veneratione, perdiligenter exhibebitur. Uberrimè ac verissimè deprehendetur omnino, quicquid natale mortalium expectere valet votum, quicquid adultæ potest accedere virtutis, prudentiæ, gravitatis, quicquid denique honoris in culmen gloriosissimum evecti, vel concipi, vel commemorari, vel consummatum sisti ullatenus voluerit, id cunctum in *Lubecensî Metello*, Magnifico WINCLERO, exsplenduisse, antecelluisse, enituisse, ac diuturnâ eademque venerabundâ recordatione quam ferissimè propagatum iri.

Nasci eum voluit Æterni Numinis providentia in urbe *Hanseaticarum* principie civitatum *Lubecâ*, die 27. *Novembris*, A. MDCXXXVII. parentibus ei nobilissimis datis: patre quidem, Viro Nobilissimo, Excellentissimo, Consulissimo, DN. BENEDICTO WINCLERO, Jcto & Syndico Lubecensî celeberrimo; Matre autem, Nobilissimâ atque præclarissimâ, CATHARINA BRANDIS/ è prænobili ac perantiquâ BRANDISIORUM Hildesien-sium stirpe oriundâ. Avum veneratus est paternum, Virum Nobilissimum Amplissimumque DN. ANDREAM WINCLERUM, Consullem *Solf-quellensem* gravissimum; Aviam gavissimè paternâ, matrona Ornatissimâ, MARGARETA HUNSEN/ Viri Spectatissimi PETRI MATTSSEN, relicta Viduâ. Avus ipsi maternus fuit, integerrimus atque Spectatissimus Vir TÖNNIES BRANDIS, Negotiator olim florentissimus; Avia autem Materna, Matrona clarissima, Viri & Mercatoris Spectatissimi BERENS filia. Cum puero ipsi undecenni crepta esset funestâ Nobilissimi patris morte A. MDCXLVIII. fidelis ultra educandi cura, ob raras ei adjectas animi dotes, studia ejus teneriora adhuc reddita sunt lucidiora atque alacriora, ductu Virorum perquam eximie tunc de ludo literario publico merentium, DN. LIPPI, & DN. LINCKII: ulteriori abhinc clarissimè promota atque ex-culta auspicio, Virorum præclarissimè ac solertissimè de otio literato meritorum, DN. KÖCKERTI, DN. BANGERTI, & DN. MEIERI. Evaserat nunc aptus atque accommodatus, eximie eleganter discendi progressionem, sublimiori Academiarum consuetudini: unde A. MDCLV. *Lipsiam* profectus, egregiam doctrinæ perliberalis telam, solidiore contextu concinnavit, eo usque, dum constitueretur Ephorus generosorum juvenum à RÖDEN paris, una cum hoc *Lipsia Heidelbergam* perreçturus. Elabebatur interea triennium, quando A. MDCLVIII. assumtis viæ comitibus generosis hinc juvenibus

nibus, *Heidelbergam* concedebat *Francofurtum ad Mœnum*: partim, ut honorificentius liceret observare, quàm auguste ac splendide corona eminentissima imponeretur vertici glorioso invictissimi Imperatoris LEOPOLDI I.; partim, ut *Giesensem* invilere Academiam, docentibusque ibidem Viris undiquaque celeberrimis gnaviter attendere, integrum ipsi existeret. Regressus deinde *Heidelbergam*, commoratusque adhuc ibidem per annos aliquot, eum adultiore conspicuus jam juris legumque peritiâ esset, *Tubingam*, inde *Argentoratum* petiit, hoc omine, & isto consilio politiore, ut in politissimas regiones, *Galliam* atque *Italiam* tenderet, ibique res præcipuè visu & memoriâ dignas curiosissimè observaret. Consumto in hac nobili peregrinatione tempore bene multo, in *Germaniam* reversus, *Viennæ* aliquantisper subsistit, ut in penitiorè Aula Imperatoriæ, Aulicique imperialis Consilii cognitionem ac familiaritatem se inlinquare satageret. Progrediebatur hinc *Spiram*, (quia nondum ibi tunc extinctum *Camera* iudicium expiraverat,) quò conditionem ejus illustremque statum solerter intueretur, atque contempleretur. Per tredecim continuos jam annos celebrem, Viro Amplissimo, peregrinationem obeunti, jucundior tandem occurrebat, & obversabatur memoriâ superstitis adhuc in patriâ Nobilissimæ Matris: quare huic filialem peroptanti reditum morem quoque gesturas, ac tenerrimo ejusdem desiderio satisfacturus, in animum laudabiliter induxit, natalem urbem revisere. Lustratis igitur in optimâ reversione, perspicuisque attentò non minus animo quàm oculo, illustrissimarum potioribus Aularum urbibus, *Dresdâ Berolino*, *Casseliâ*, *Hannoverâ*, & *Cellâ*, ut ului aliquando perinsigni ac emolumento convenienti excellentior ista cognitiô foret. Solpes A. MDCLXVIII. atque incolumis *Lubecam* rediit. Vixdum verterat annus, quando *Kilian* *Holfatorum* Academiam d. XVI. *Aprilis* A. MDCLXIX. concedens, habitâ publicè inaugurali, de *Jure interventionis*, Disputatione, summo in iure titulo Doctoris solenniter exornabatur. Reducem post annû Novellum juris Doctorem A. MDCLXX. amicis & comibus compellavit precibus, (promisso pariter & misso singulari aliquo munificentie gratissimæ documento), Generosa Matrona à *MAREBEN*/Heres in *RECHNIE*/ ut generosum ejus filium DN. CAJUM à *MAREBEN*/ potentissimo *Dania* Regi à Consiliis primùm provincialibus, postea etiam intemis, in *Galliam* profecturum, & comitaretur, & reduceret. Cui honesto pariter ac decore ut satisfieret desiderio, confecto illustri per *Galliam* itinere, unâ cum viæ generoso comite, *Viennam* se contulit, visuque ac observatione condignas res ibi providentissimè intuitus est. Eveniebat insimul, ut commoranti ibidem Consultissimo Viro, pecularia quædam juxta votum expedienda negotia publica, à Magnifico Senatu *Lubecensi* committerentur, commissa proponerentur, proposita consummarentur.

Cum maturavisset porro exoptatissimum in patriam reditum, primis in amoribus coepit esse Virginis tum Nobilissimæ ac perornatissimæ, *ANNÆ*, Viri Nobilissimi, Amplissimi, ac Prudentissimi DN. PETRI *JERONIMUS* *GENE*/ in Senatoriâ dignitate, insigniter olim constituti, filia. Florentissimo huic connubio perjucundum accessit supplementum, prognatus d. XIX.

*Julii A. MDCLXXI. filius, Vir Nobilissimus atqve Excellentissimus DN. BENEDICTUS PETRUS, U. J. D. celeberrimus. Dies XIV. mensis la-
beatur Martii, A. MDCXCVIII. quando huic nubebat Generosa Vidua ab
HÖBEN/MARGARETA, Viri Generosi & Prudentissimi, DN. HIN-
RICI DIETERICI à RYCHMANS/ Senatoris Amplissimi Lube-
censis, filia. E quâ festivitate conjugiali adhuc dum superest unicus perama-
bilis Heres, Magnifici ac Generosi AVORUM delictiosa quondam voluptas,
Genitricisq; generosæ gaudium adhuc peculiare, Ivavisimus Nepos, spei opti-
ma indolisque generosæ, ANTONIUS HINRICUS; quoniam Nobilissi-
mus ejusdem pater A. MDCCII. ancipitibus mortalium negotiis ulterius in-
teresse jam deliit. Communi verò destinata utilitati, maturitas excellen-
tissimæ WINCLERIANÆ virtutis, gloriose effecit, ut XXIV. Maji mensis
die A. MDCLXXI. in numerum patriæ Procerum prudentissimorum condi-
gnus SENATOR, cooptaretur. Inde, quâ dexteriore efficacitate, quo ar-
dore singulari, quo eminente consilio, ornamentum præclarissimum, ade-
pto conciliare atqve addere honori Senatorio allaboraverit, annisqve per-
insigniter fuerit, ut florentiori commodo publico, ut incrementibus sensim
commerciis, ut rei deniqve communi plus ultra perrecturæ, decus, augmen-
tum, vigor, & accederet, & amplificaretur, & perennaret: omnium uber-
rimè & certissimè testificabuntur, tam in cancellis asservata publicis illu-
strissima monumenta, quam series amplissima atqve augustissima multiplici
perfectarum vice legationum. Quandoquidem A. MDCLXXXIII. *Hamburgum*,
A. MDCLXXXV. *Mülbusum*, missus est, ut circulari ibidem con-
ventui interesset: anno post MDCLXXXVI. ad Potentissimum primò Ele-
ctorem Brandenburgicum, deinde *Viennam*, ut in Aulâ Imperatoriâ commis-
sas sibi res civitatis exequeretur, commigravit. Præterea A. MDCLXXXVII.
ad Aulas *Cellensem* atqve *Brandenburgicam*, A. MDCLXXXI. *Brunsvi-
gam* profectus est, inde Cameram tunc S. R. I. *Spirenses* petens: A.
MDCLXXXIII. *Berolinum*, A. MDCLXXXVI. *Cellam*, A. MDCLXXXIX
Hamburgum, conspicuus hic maximè, facundus, & publicus Orator able-
gatus est, ut, partim jura quondam Civitati patriæ cum finitimis controver-
sa vindicaret, partim decus, florem, emolumentum utilitatis publicæ & a-
nimadverteret, & tueretur, & propagaret. Per ardua igitur hæc negotia,
per hos insignium gradus meritum, per foenebres hæc laudes, eniteba-
tur tandem dignitas percelebris *WINCLERIANA*, in magnificum su-
premi cacumen honoris, Calendisqve Maji A. MDCXCIV. Consulari
apice & fastigio perficiebatur atqve consummabatur. Sed enim lux vicissi-
ma prima mensis Martii A. MDCC. placido è vitâ discessu Conjugis præ-
clarissimæ ac Nobilissimæ, ANNÆ JESSENHAGEN/ amara
thalami Consularis delicias lugubriter interrompebat. Effluente in-
terea quinque annorum spatio, in animum induxit Magnificus hic Viduus, ma-
ritalem redintegrare amorem, futuramque in posterum tori sociam A.
MDCCV. domum ducere Nobilissimam atqve præcellentissimam Ma-
tronam *CATHARINAM*, natam *FRISIAM*, Viri Maxime Reverendi
atqve Excellentissimi, D. *NIE MANNI*, Theologi celebratissimi, & gra-
vissimi ac meritissimi Ducatum *Holfatia & Slevoici* Superintendentis Gene-
ralis,*

ralis, reliquam Viduam. Equidem vigebar, aliquantisper pollens & firma Viri Magnifici valetudo, firmiora pollicens virium ac roboris semper angusti supplementa, usque eò. ut octogenario major evasurus esse crederetur. At tamen, cum ante aliquod tempus plurima amplissime ingruerent dolorum fastidiosumque incommoda, quibus cum conflictari, graviter necessum habuit, debilitati præcipue ventriculi, invalentia, tam vehementer decumbentem adorta est afflictioque, ut vix ulla superesset spes, fore hî quò prostrata ac ferè deficiens quies restauraretur, aut ærumnosa cujuscunque cibi & potus nausea cessaret; quamvis strenuam opportunamque aucto indies malo medicinam opponeret peritissima dexteritas Nobilissimi atque Excellentissimi Viri *D. NICOLAI HANNEKENII*, primarii Lubeca Poliatri celeberrimi. Quapropter aliquod certius ac beatius circumpiciens remedium quarumcunque advertitatum, *CONSUL MAGNIFICUS*, religiosè curavit accersi divinæ interpretem venire, Virum Admodum Reverendum, Amplissimum, & præclarissimum *DN. JACOBVM à MELLE*, Templi Mariani Pastorem meritisimum, ut, subministrante ejus manu, cœlesti epulo reficeretur, & duodecimo præcipitantis hujusce mensis die, sanctissimum itineris novissimi comœatum recipiendo nancisceretur. Vix dum dilucebat, vixdum altera lux à sanctissimis *Februarii* Idibus primo emergebat manè, quando fama luctuosissima usquequaq; divulgabat, *BEATISSIMVM CONSVLEM*, spiritum magnificè de bono communi meritis tranquille effudisse, ac cœlo dedicavisse, & ad septuagesimum usque annum ætatem gloriosissimam prolatando, discessisse.

Circumscripsit jam peracceptis in valetudinem *VIRI MAGNIFICI* terminis, gratiola cœli optimè providentis moderatio, eiq; largissime ulteriorem nauseanti moram in morosissimo mortalium contubernio, id divinum liberæ indulgit jus civitatis supremæ, ut cœlesti refugens perennis laticlavii jubare, placido curarum tædiorumque justitio profueratur, & desideratâ acerbitatum quarumlibet prolatione perpetuo exhilaretur. Coruscat interim, & coruscante prædicationis lumine exuperabit, & splendide perdurabit tam vivax fama, quam decus celeberrimum, ac perpetuaturus honor Magni nominis *WINCLERIANI*: non antè honorificentius commemorari desiturus, quam deserint omnino surreptique fuerint cuncti, quorum animis, religiosæ probitatis, adultæ Virtutis, solidæ eruditionis, illustrium meritorum admiratio, amor, observantia penitissimè infixæ, & gliscent, & hærebunt, & perpetuabunt, & commemorabuntur. Enitescet ac grato seræ studio posteritatis jugiter obversabitur excellentissima consularis eleganter eruditi cognitio accumulata animi! Requiretur sapius, & percupidis multoties repetetur votis, matura & ad quemlibet Reip. statum sagacius subducta *WINCLERI* prudentia! Inclarescet solertissima civium cura, quâ

quâ immortalem isthanc sibi peperit conciliavitqve dignitas primi CONSULIS concelebrationem: extitisse eum grande ac primum Reip. lumen, peregreium CURIÆ ornamentum, grandævamqve populi Lubecensis voluptatem. Si CONSULUM cuidam consulares à Consule Romano diligenter commendatæ virtutes ac opera pereximia suppetiverunt, vigilare nimirum, cogitare, adesse animo, semper aliquid pro Rep. aut dicere, aut patrare, fortunâ, tempore, consilio providere uti: non solum videre, quid agatur, verum etiam multò ante providere, quid fortean futurum deinde sit: merito suo peculiari id sibi asferit, tenet, vindicat WINCLERIANA prudentia, prudentissimam alacritas, alacerrima sagacitas, & sagacissima CONSULIS MAGNIFICI dexteritas. Multò enim antè procuraverat, ut vitæ, si fata vellent, proveciori, & multiplicia meritorum vestigia perseverarent impressa, & clausula gloriosior imponeretur. Unde lætus lubensque ad perennem celestis Capitolii consortionem translatus, continuatâ in omne ævum beatitudine perfruetur, nec unquam terminanda celestis Senaculi amoenitate exaturabitur.

Dum autem hodie indictivum CONSULIS MAGNIFICI funus celebrandum est, supremi decus novissimum officii eidem accommodare, & frequentissimo adaugere ac amplificare illud comitatu dignabuntur. MAGNIFICI DNN. CONSULES: Generos. DN. DECANUS: Maxime Rev. & Excellentiss. DN. SUPERINTENDENS: Nobiliss. Consultiss. Experientiss. DN. SYNDICUS, & Doctores: Admodum Rev. & Præclariss. DN. SENIOR, PASTORES, & SYMMYSTÆ: Nobiliss. Ampliss. & Prudentiss. DNN. SENATORES, PROTONOTARIUS, & SECRETARII, & omnes præterea sive cultores, sive Æstimatores dignitatis Virtutisq; WINCLERIANÆ: ut MOERENTIUM æque desiderio perliberali, & nostræ invitationi perquam officiosâ comiter ac benignè satisfiat.

P. P. Lubeca d. XXIV. Februar. A. MDCCVII.



Nc 885.

40

ULB Halle 3
001 556 347



So.

Witz

2. C.





E X E Q V I A S

I N D I C T I V A S .

V I R I

Magnifici, Nobilissimi, & Consultissimi,

D O M I N I



A N T O N I I

W I N C L E R I ,

J C t i C e l e b e r r i m i ,

C O N S U L I S i n c l y t æ L U B E C E N S I U M R e i p .

p r i m i a c m e r i t i s s i m i ,

F r e q u e n t i s s i m e c o n c e l e b r a t u r i s ,

D . S . P .

E N O C H U S S V A N T E N I U S , R .

L U B E C Æ .

T y p i s V i d u æ B . S C H M A L H E R T Z I E ,

